

helghø cum agris, pratis, pascuis, siluis, venacionibus & ceteris eidem curie attinentibus pro viginti marcis puri & examinati argenti nobis iam traditis & deliberatis, conuentui & abbacie de sko obligamus, hac condicione adiecta quod nisi idem debitum infra dominicam letare ierusalem cum viginti marcis adeo boni & examinati argenti soluerimus, extunc predicta curia cum omnibus sibi adiacentibus, conuentuj & abbacie predictis perpetuo iure proprietatis & possessionis attineat. ac si eam puro vendicionis contractu acquisisset. in tantum quod nec nos nec nostri heredes ius aliquod seu vocem habeamus dictam curiam repetendi, aut eam tanquam non venditam calumpniandi, seu eciam quouis alio modo inpetendi, promittimus autem per presentes contra hunc contractum taliter initum per nos aut heredes nostros in futurum nullatenus venire. saluo nichilominus nobis nostrisque heredibus iure petendi valorem curie in quantum excedit argentum memoratum. In cuius rei testimonium sigillum nostrum presentibus est appensum. actum & datum apud cracsta anno domini M°,CC°,LXXX°VII. Nonis octobris.

Af sigillet på en under brevet utklippt remsa, finnes blott ett litet stycke qvar.

949.

1287. d. 4 Nov.

Munsö.

Swen Suneson testamente af fastigheter, penningar och lösören till kyrkor och kloster, samt till sin hustru och syster.

A. 4. 13.

IN nomine patris & filij & spiritus sanctj amen. Ego SWENO SUNASUN, corpore sanus, mentisque mee compos, cupiens salutis anime mee salubriter prouidere, de bonis a deo mihi collatis in hunc modum meum condo & ordino testamentum. In primis lego ecclesijs meis parrochialibus, markem. s. & Karlungskirkju, quatuor marchas den. capellani in eisdem tres marchas. campanarijs in eisdem. dimidiam marcham. Ista inter eos quibus legata sunt, equaliter diuidantur. fratribus predicatoribus sictunie apud quos eligo sepulturam, lego sex solidos terre in villa Rotasetri in ørbohulm, ecclesie Vpsalensi lego quinque oras terre in villa Berbü parrochia markem. conuentui in sko, duas marchas den. fratribus minoribus stochholmis, duas marchas den. fratribus hospitalis sancti johannis de eskilstunum duas marchas den. Item dilecte vxori mee Katerine lego curiam meam in stenastrupum cum molendinis que habeo in Rislingabü, & ceteris ecclesijs eidem curie attinentibus. In omnibus vero alijs possessionibus meis mobilibus & immobilibus vbicumque locorum inuente fuerint, dilectam sororem meam Katerinam heredem constituo, volens ut ipsa ipsiusque heredes in predictis bonis ei succedentes, debita mea omnia & singula integraliter persoluant.

Executores autem huius testamenti mei constituo, discretos viros dominos Andream prepositum vpsalensis ecclesie, Røricum de solendatum, & finuidum ragnasun. In cuius facti euidenciam, presens scriptum, sigillo dominj mei Magni electi vpsalensis ecclesie consecrati, & sigillo capituli vpsalensis. Item sigillis minorum. magni ioansun, andree prepositi vpsalensis, Rørici de solendatum, prioris de sictunum, & finuidi ragnasun feci roborari. Actum munzø, presente reuerendo domino meo Magno electo vpsalensis ecclesie consecrato, Item presentibus domino nicholao de skieptunum, & bothulpho ac olauo ioanssunum, fratribus, Anno dominj M^o,CC^o,LXXX^oVII^o, Pridie Nonis Noembris.

Sigillen N:o 1, 2, 6, andeliga, skadade; 3, 5 med vapen, skadade; 4, 7 bortfallne.

950.

1287. d. 8. Nov.

Påfl. Legaten, Biskop Johannis skrifvelse till Ärke-Biskopen och Upsala Dom-Capitel med bestämmelsen af den honom tillkommande Legations-afgiften för andra året till 70 mark silfver i Cölnisk vigt, hvilken borde inom nästa Michaeli honom tillsändas.

A. 2. d. 4.

JOHANNES miseracione diuina Tusculanus Episcopus apostolice sedis Legatus. Venerabilj in christo patrj . . dej gratia ArchiEpiscopo. et discretis viris. Preposito & Capitulo Vbsalensi. Salutem in domino. Cum de summa pecunie quam olim nomine procurationum nostrarum primj annj nostre legationis, Vobis & Clero uestre Ciuitatis & diocesis exempto & non exempto jposuimus ceteris personis locis & terminis persoluenda, vos propter guerrearum discrimina & aliarum oppressionum angustias quibus partes swetie agitarj dicuntur, ac propter facultatum tenuitatem vos asserueritis fuisse grauatos, nos tribulationibus & oppressionibus uestris paterno compacientes affectu, ac volentes propterea circa jpositionem procurationum annj secundj sic mite, sicque pie uobiscum agere, quod nullam de nobis habere querele materiam noleatis Ecce cum venerabilj patre . . Burglanensi Episcopo & nunciis nostris qui de partibus Swetie redierunt diligentj deliberatione prehabita vobis Archiepiscopo. Preposito, & Capitulo ac Clero Ciuitatis et diocesis Vbsalensis exemptis & non exemptis, Abbatibus & locis Cisterciensis ordinis quj jam de hiis certa solucione facta nobiscum deuote ac uoluntarie concordarunt pro nostris procuracionibus secundj annj Septuaginta Marchis bonj & purj argentj ad pondus Coloniense duximus jponendas. Paternitatem & discretionem uestram rogantes, monentes actente & vobis qua fungimur auctoritate mandantes quatinus accedentes quod prop-